

# KERATAN AKHBAR

TARIKH : 3 JANUARI 2024  
AKHBAR : BERITA HARIAN  
MUKA SURAT : 5

PADU dijangka bantu capai defisit fiskal 3.5 peratus

## PADU dijangka bantu capai defisit fiskal 3.5 peratus

**Pelaksanaan beri manfaat limpahan ekonomi secara adil kepada semua rakyat**

Oleh Mohd Iskandar Ibrahim dan Mahanum Abdul Aziz  
bhnews@bh.com.my

**Putrajaya:** Pelaksanaan Pangkalan Data Utama (PADU) jika berjalan lancar dijangka dapat membantu negara mencapai sasaran defisit fiskal antara 3.0 peratus hingga 3.5 peratus kepada Keluaran Dalam Negara Kasar (KDNGK) pada 2025.

Menteri Ekonomi, Rafizi Ramli, berkata inisiatif PADU antara keutamaan kerajaan dalam memastikan manfaat limpahan ekonomi dapat dirasakan secara adil dan saksama oleh segenap lapisan rakyat.

Beliau berkata, PADU adalah sebahagian daripada tindakan



Kakitangan Jabatan Perangkawan (kanan) membantu orang ramai mendaftar dan mengakses sistem PADU. (Foto BERNAMA)

proaktif serta responsif dilaksanakan kerajaan, sejajar kerangka Ekonomi MADANI: Memperkasa Rakyat.

"Inisiatif ini memberi tumpuan kepada usaha untuk menstruktur semula ekonomi ke arah menjadikan Malaysia sebagai peneraju ekonomi Asia dan akhirnya memberi limpahan hasil kepada rakyat untuk menikmati kehidupan lebih berkualiti," katanya pada majlis pelun-

curan PADU di sini, semalam.

Pelancaran PADU disempurnakan Perdana Menteri, Datuk Seri Anwar Ibrahim.

Rafizi berkata, PADU dibangunkan melalui kepakaran dalaman Kementerian Ekonomi, Jabatan Perangkasan Malaysia (DOSM) dan Unit Pemodangan Tadbiran dan Perancangan Pengurusan Malaysia (MAMPU), dengan kerjasama dan sokongan pelbagai kementerian, agensi

serta Kerajaan Negeri.

Beliau berkata, hasil komitmen dan kesungguhan semua yang terbabit, PADU dapat direalisasikan enam bulan.

"Kejayaan ini bukan mudah untuk dicapai. Terima kasih dan tahliah juga kepada semua yang terbabit secara langsung dan tidak langsung dalam menjayakan pembangunan PADU," katanya.

### Pangkalan data selamut

Rafizi berkata, pembangunan PADU sebahagian usaha ke arah Govtech melalui penyediaan pangkalan data utama negara yang selamat, komprehensif dan 'hampir pada masa sebenar' yang membolehkan analitik data yang lebih tepat dihasilkan.

Beliau berkata, PADU juga menyokong tiga aspek utama yang diberi penekanan dalam Govtech iaitu perkhidmatan awam yang mudah diakses dan berpaksaan rakyat, transformasi kerajaan digital serta sistem kerajaan yang cekap, telus dan tidak rumit.

"Ketersediaan PADU akan membantu pengubahan dasar dan proses pembuatan dasar berpandukan data," katanya.